

Allur ferðakostnaður greiðist skv. framlögðum reikningi.

Löggildingarstofan getur gert fast tilboð í framkvæmd eftirlits með faggildingu.

Kostnaður vegna vinnu sérfræðings (sérfræðinga) við tæknilegt mat greiðist skv. framlögðum reikningi.

4. gr.

F.4 Þegar um er að ræða mat eða úttektir þar sem ekki er um faggildingu að ræða skal samið sérstaklega um þóknun.

5. gr.

Virðisaukaskattur greiðist ekki af föstum gjaldaliðum 1. og 3. gr. gjaldskrár þessarar.

6. gr.

Gjaldskrá þessi er hér með staðfest samkvæmt lögum um vog, mál og faggildingu nr. 100, 16. desember 1992, til þess að öðlast gildi við birtingu, og birtist til eftirbreytni öllum þeim sem hlut eiga að máli.

Viðskiptaráðuneytið, 14. janúar 1993.

F. h. r.

Björn Friðfinnsson.

Steinunn Bjarman.

REGLUGERÐ

um greiðslur sveitarfélaga til Atvinnuleysistryggingasjóðs á árinu 1993 og greiðslur ríkissjóðs til sveitarfélaga vegna niðurfellingar aðstöðugjalds á árinu 1993.

I. KAFLI.

Um greiðslur sveitarfélaga til Atvinnuleysistryggingasjóðs.

1. gr.

Á árinu 1993 skulu sveitarfélög greiða til Atvinnuleysistryggingasjóðs eins og nánar er kveðið á um í þessum kafla.

2. gr.

Greiðslur sveitarfélaga samkvæmt 1. gr. skulu ákveðnar á eftirfarandi hátt:

- a) Sveitarfélög með 300 íbúa eða fleiri greiði 1 950 kr. fyrir hvern íbúa.
- b) Sveitarfélög með 299 íbúa eða færri greiði 1 170 kr. fyrir hvern íbúa.

Við útreikning á greiðslu sveitarfélags til Atvinnuleysistryggingasjóðs skal miða við íbúafjölda í viðkomandi sveitarfélagi eins og hann var samkvæmt þjóðskrá 1. desember 1992.

3. gr.

Greiðslur sveitarfélaga samkvæmt þessum kafla skulu greiddar með tíu jöfnum greiðslum á gjalddögum 1. febrúar, 1. mars, 1. apríl, 1. maí, 1. júní, 1. ágúst, 1. september, 1. október, 1. nóvember og 1. desember 1993.

Sé greiðsla samkvæmt reglugerð þessari ekki greidd á gjalddaga skal greiða ríkissjóði dráttarvexti af því sem er gjaldfallið. Dráttarvextir skulu ákveðnir samkvæmt ákvæðum vaxtalaga nr. 25/1987, með síðari breytingum.

II. KAFLI.

Um greiðslur til sveitarfélaga vegna niðurfellingar aðstöðugjalds.

4. gr.

Ríkissjóður skal af innheimtum tekjuskatti greiða til sveitarfélaganna fjárhæð sem svarar 80% af álögðu aðstöðugjaldi á árinu 1993.

5. gr.

Þar til að álagning aðstöðugjalds skv. 4. gr. liggur fyrir skal ríkissjóður greiða til sveitarfélaganna fjárhæð sem svarar 40% af álögðu aðstöðugjaldi ársins 1992 sem fyrirframgreiðslu upp í greiðslu skv. 4. gr. Greiðslur ríkissjóðs til sveitarfélaganna miðast við álagningu í viðkomandi sveitarfélagi og skulu greiddar með fimm jöfnum greiðslum á gjalddögum 1. febrúar, 1. mars, 1. apríl, 1. maí og 1. júní 1993.

6. gr.

Greiðslur ríkissjóðs til sveitarfélaganna skv. 4. gr. miðast við 80% af álögðu aðstöðugjaldi í viðkomandi sveitarfélagi. Sú fjárhæð að fráðreginni fyrirframgreiðslu skv. 5. gr. skal greidd með fimm jöfnum greiðslum á gjalddögum 1. ágúst, 1. september, 1. október, 1. nóvember og 1. desember 1993.

7. gr.

Þrátt fyrir ákvæði 4. gr. skulu 120 milljónir króna af framlagi ríkissjóðs samkvæmt þessum kafla renna til Jöfnunarsjóðs sveitarfélaga. Fjárhæð þessa skal draga frá framlagi ríkissjóðs til sveitarfélaganna í ágústmánuði 1993 og greiða til Jöfnunarsjóðs sveitarfélaga.

8. gr.

Leiði breytingar skattstjóra við yfirferð framtala og við úrskurð á kærnum á aðstöðugjaldsstofni til þess að framlag ríkissjóðs, sbr. 4. gr., hafi verið of hátt eða of lágt í einstöku sveitarfélagi skal ákvarða að nýju umrætt framlag. Þessi endurútreikningur skal fara fram 1. febrúar 1994 og vera endanlegur.

III. KAFLI.

Um útreikning greiðslna og greiðslutilhögun.

9. gr.

Ríkisbókhald sér um útreikning á greiðslum samkvæmt þessari reglugerð. Reikna skal út sérstaklega hvað hvert sveitarfélag á að greiða til Atvinnuleysistryggingasjóðs á hverjum mánuði samkvæmt I. kafla reglugerðarinnar og hvert framlag ríkissjóðs til sveitarfélagsins á að vera á hverjum mánuði samkvæmt II. kafla reglugerðarinnar.

Ríkisbókhald skal reikna út mismun á greiðslum samkvæmt I. kafla og II. kafla reglugerðarinnar. Mismunurinn skal greiddur til sveitarfélaganna eða innheimtur hjá þeim eftir atvikum í samræmi við ákvæði þessarar reglugerðar.

Áður en greiðslur eða innheimta hefst samkvæmt þessari reglugerð skal ríkisbókhald senda Sambandi íslenskra sveitarfélaga og hverju sveitarfélagi fyrir sig upplýsingar um útreikning á greiðslum.

Ríkisbókhald skal, ef innheimta þarf hjá sveitarfélagi, senda fyrir hvern gjalddaga greiðsluáskorun þar sem fram komi fjárhæð greiðslu og upplýsingar um greiðslustað.

10. gr.

Reglugerð þessi, sett samkvæmt heimild í 1. gr. laga nr. 107/1992, um breytingu á lögum um atvinnuleysistryggingar nr. 96/1990, með síðari breytingum, og heimild í ákvæði til bráðabirgða VII í I. kafla laga nr. 111/1992, um breytingar í skattamálum, öðlast þegar gildi.

Fjármálaráðuneytið, 11. janúar 1993.

F. h. r.

Bragi Gunnarsson.

Ástráður Karl Guðmundsson.

GJALDSKRÁ

fyrir Hitaveitu Laugaráss, Laugarási, Biskupstungum.

1. gr.

Hitaveitan sér um dreifingu á heitu vatni á orkuveitusvæði sínu og innheimtir gjald fyrir eftir þeim reglum, sem settar eru í gjaldskrá þessari.

2. gr.

Hitaveitan lætur notendum sínum í té það vatnsmagn, sem samið hefur verið um við Laugaráslæknishérað eða Biskupstungnahrepp og hitaveituna.

3. gr.

Hitaveitan stillir hámarksrennsli til hvers notanda. Miðast gjald hitaveitunnar fyrir dreifingu heita vatnsins við hámarksstillingu. Vatn til heimilisnota (kranavatn) má ekki nota til upphitunar af neinu tagi. Gefa má hlutfallslegan afslátt af hitaveitugjöldum, ef notandi vill láta loka fyrir vatnið að vetri til, þó ekki skemur en 2 mánuði samfelldt og ekki lengri tíma en 6 mánuði.

4. gr.

Einungis starfsmenn hitaveitunnar mega breyta inntaksstillingu þeirri, sem um getur í 3. gr. Hitaveitan breytir inntaksstillingu eftir óskum notenda fyrsta árið, sem hús hans er tengt við hitaveitukerfið en síðan að jafnaði einungis einu sinni á ári. Skal beiðni um breytingu komið á framfæri við hitaveitustjóra fyrir 1. janúar ár hvert. Skyld er notanda að tilkynna hitaveitustjóra breytingar á hitakerfum, sem raskað geta mælingu.

5. gr.

Gjöld fyrir dreifingu á heita vatninu eru sem hér segir:

Garðyrkjustöðvar	kr. 124
fyrir hvern mínútulítra á mánuði.	
Íbúðarhús og önnur hús, sem ekki eru tilgreind annars staðar	kr. 686
fyrir hvern mínútulítra á mánuði.	
Iðnaðarhús	kr. 320
fyrir hvern mínútulítra á mánuði.	